

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Gradonačelnik



Босна и Херцеговина
Федерација Босне и Херцеговине
Кантон Сарајево
Град Сарајево
Градоначелник

Bosnia and Herzegovina
Federation of Bosnia and Herzegovina
Canton of Sarajevo
City of Sarajevo
Mayor

**BOSNA I HERCEGOVINA
FEDERACIJA BOSNE I HERCEGOVINE
GRAD SARAJEVO**

DOKUMENT OKVIRNOG BUDŽETA GRADA SARAJEVA ZA PERIOD 2027. - 2029. god.

Sarajevo, juni 2026. godina



Gradska služba za finansije
Ćemaluša 9
71000 Sarajevo, Bosna i Hercegovina
T: +387 (0)33 40 74 89; (0)33 40 74 13; F: +387 (0)33 20 83 41
E: muamer.kutlovac@sarajevo.ba
www.sarajevo.ba



Sadržaj

1. Uvod u Dokument okvirnog budžeta Grada Sarajeva za period 2027.-2029.godine.....	3
2. Strategija razvoja Grada Sarajeva 2021.- 2027. godina.....	4
3. Strateški ciljevi ekonomske i fiskalne politike BiH i FBiH.....	6
4. Osnovni makroekonomski pokazatelji Bosne i Hercegovine i Federacije BiH.....	8
5. Osnovni pokazatelji ekonomske i fiskalne politike.....	10
6. Procjena prihoda u DOB Grada Sarajeva za period 2027.-2029. godine.....	12
6.1 Prihodi od indirektnih poreza.....	13
6.2 Prihodi od poreza na imovinu.....	14
6.3 Neporezni prihodi.....	15
6.4 Prihodi budžeta Grada Sarajeva.....	16
7. Plan upravljanja javnim dugom Grada Sarajeva.....	17
8. Rashodi Grada Sarajeva za period 2027.-2029. godine.....	20



1. Uvod u Dokument okvirnog budžeta Grada Sarajeva za period 2027.-2029. godine

Dokument okvirnog budžeta (DOB) predstavlja preliminarni nacrt budžeta za tekuću i naredne dvije fiskalne godine, izrađen u skladu sa Zakonom o budžetima Federacije Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26). Njegova svrha je da osigura kvalitetniju stratešku osnovu za srednjoročno planiranje budžeta i pripremu budžeta za narednu fiskalnu godinu. Izrada DOB-a zasniva se na procjenama privrednog razvoja, relevantnim makroekonomskim pokazateljima, kao i projekcijama prihoda i rashoda za period obuhvaćen ovim dokumentom.

Osnovni cilj DOB-a jeste unapređenje procesa srednjoročnog budžetskog planiranja i izrade godišnjih budžeta kroz povezivanje trogodišnjih projekcija rashoda sa utvrđenim srednjoročnim prioritetima Grada. Na taj način omogućava se efikasnija raspodjela raspoloživih resursa u skladu sa strateškim ciljevima razvoja. Istovremeno, DOB definiše okvirne granice potrošnje unutar kojih se priprema godišnji budžet, te identifikuje ključne budžetske politike i opredjeljenja koja imaju direktan uticaj na prikupljanje i raspodjelu javnih sredstava u srednjoročnom periodu.

Priprema Dokumenta okvirnog budžeta započinje dostavljanjem Instrukcije broj 1. o načinu i elementima izrade DOB-a, koja sadrži osnovne ekonomske pretpostavke, pregled prioriteta budžetskih korisnika (gradskih službi), kao i dinamiku i rokove za pripremu dokumenta. U skladu sa zakonski propisanim rokovima, Služba finansija Grada Sarajeva pripremila je Instrukciju broj 1. i dostavila je gradskim službama dana 16.02.2026. godine.

U skladu sa odredbama Zakona o budžetima u Federaciji Bosne i Hercegovine, Dokument okvirnog budžeta za period 2027–2029. godine izrađen je na osnovu:

* Makroekonomskih pokazatelja za period 2024–2029. godine Direkcije za ekonomsko planiranje (DEP), i

* Revidiranih projekcija prihoda od indirektnih poreza za 2026. godinu i projekcija za period 2027–2029. godine, dostavljenih od strane Federalnog ministarstva finansija.

DOB Grada Sarajeva za period 2027. - 2029. godine sadrži sljedeće:

1. Uvod u DOB Grada Sarajeva za period 2027. -2029. godine,



2. Strategiju razvoja Grada Sarajeva 2021.- 2027. godina
3. Strateške ciljeve ekonomske i fiskalne politike BiH i FBiH,
4. Osnovne makroekonomske pokazatelje Bosne i Hercegovine i Federacije BiH,
5. Osnovne pokazatelje ekonomske i fiskalne politike,
6. Procjenu prihoda u DOB-u Grada Sarajeva za period 2027.-2029. godine,
7. Plan upravljanja javnim dugom Grada Sarajeva
8. Rashode Grada Sarajeva za period 2027.-2029. godine.

2. Strategija razvoja Grada Sarajeva 2021.- 2027. godina

U skladu sa Zakonom o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17), strategija razvoja jedinice lokalne samouprave predstavlja temeljni planski dokument na kojem se zasniva izrada Dokumenta okvirnog budžeta (DOB).

Gradsko vijeće Grada Sarajeva donijelo je Odluku o pristupanju izradi Strategije razvoja Grada Sarajeva za period 2021–2027. godine, a usvojena Strategija predstavlja osnovni strateški okvir za planiranje razvoja i usmjeravanje budžetskih prioriteta Grada. Shodno tome, Strategija razvoja Grada Sarajeva 2021–2027. godine poslužila je kao polazna osnova za izradu Dokumenta okvirnog budžeta za period 2027–2029. godine.

Strategija razvoja Grada Sarajeva je integrisani multisektorski dokument koji definiše razvojne pravce, prioritete i mjere djelovanja Gradske uprave, uz osiguranje usklađenosti sa strateškim dokumentima viših nivoa vlasti, uključujući razvojne politike Bosne i Hercegovine, Federacije Bosne i Hercegovine, Kantona Sarajevo i općina koje čine Grad Sarajevo. Istovremeno, Strategija predstavlja osnov za izradu programa rada gradonačelnika, godišnjih programa rada organa Grada, kao i plansko-budžetskih dokumenata.

Posebna vrijednost Strategije ogleda se u njenoj usklađenosti sa Ciljevima održivog razvoja iz Agende Ujedinjenih nacija 2030, naročito sa ciljem koji se odnosi na održive gradove i zajednice, kao i sa prioritetima evropskih integracija Bosne i Hercegovine i preporukama Evropske komisije.

Strategijom je definisano šest strateških ciljeva, iz kojih proizlazi osamnaest razvojnih prioriteta i osamdeset pet mjera usmjerenih na unapređenje kvaliteta života građana, razvoj urbanog prostora, jačanje administrativnih kapaciteta, promociju kulture, sporta,



turizma i socijalne uključenosti. Dokument je izrađen uz visok stepen usklađenosti sa Strategijom razvoja Federacije Bosne i Hercegovine 2021–2027. godine kao krovnim strateškim dokumentom.

U procesu implementacije Strategije poseban izazov predstavlja koordinacija i saradnja između različitih nivoa vlasti. Značajan broj planiranih mjera zavisi od zajedničkog djelovanja Grada Sarajeva, gradskih općina, Kantona Sarajevo, Federacije Bosne i Hercegovine i institucija Bosne i Hercegovine. Imajući u vidu ograničene nadležnosti i raspoložive finansijske kapacitete Grada Sarajeva, prioritet je dat mjerama koje mogu proizvesti najveći razvojni efekat u okviru postojećih institucionalnih mogućnosti.

Kao ključni pokretači razvoja Grada Sarajeva prepoznati su:

- poticanje izvrsnosti i razvoja ljudskih potencijala,
- unapređenje i razvoj turističkih kapaciteta,
- zaštita okoliša i unapređenje kvaliteta životne sredine.

Dodatni izazov predstavljaju fiskalna ograničenja koja proizlaze iz postojećeg sistema raspodjele javnih prihoda, zbog čega Grad Sarajevo raspolaže znatno manjim budžetskim sredstvima u odnosu na druge nivoe vlasti. Uprkos tome, Strategija je koncipirana na realnim pretpostavkama, uz uvažavanje nadležnosti i finansijskih mogućnosti Grada.

Za period 2021–2027. godine definisano je šest strateških ciljeva:

1. Otvoren grad, efikasna, transparentna i odgovorna gradska administracija;
2. Grad budućnosti i riznica prošlosti;
3. Grad filma i centar kreativnosti;
4. Grad vrhunskog sporta;
5. Grad hiljadu mostova;
6. Grad čuvar zajedničkih vrijednosti i kvaliteta života.

Navedeni strateški ciljevi predstavljaju osnov za planiranje razvojnih programa i projekata, te usmjeravanje budžetskih sredstava u periodu 2027–2029. godine.



3. Strateški ciljevi ekonomske i fiskalne politike BiH i FBiH

Fiskalna politika predstavlja jedan od osnovnih instrumenata ekonomskog upravljanja kojim se, kroz sistem javnih prihoda, rashoda i upravljanja javnim dugom, osigurava makroekonomska stabilnost i stvaraju pretpostavke za održiv ekonomski razvoj. U savremenim ekonomskim okolnostima fiskalna politika ima značajnu ulogu u očuvanju stabilnosti javnih finansija, kontroli inflatornih pritisaka, unapređenju poslovnog ambijenta i jačanju investicione aktivnosti.

S obzirom da Grad Sarajevo nema nadležnosti u kreiranju fiskalne i monetarne politike, Dokument okvirnog budžeta Grada Sarajeva za period 2027–2029. godine zasniva se na strateškim opredjeljenjima i makroekonomskim projekcijama definisanim na nivou Bosne i Hercegovine i Federacije Bosne i Hercegovine, kao i na procjenama kretanja javnih prihoda i rashoda u srednjoročnom periodu.

Strateški okvir ekonomske i fiskalne politike Bosne i Hercegovine za srednjoročni period zasniva se na Programu ekonomskih reformi BiH 2026–2028, Globalnom okviru fiskalnog bilansa i politika u BiH za period 2026–2028, Reformskoj agendi Bosne i Hercegovine, kao i obavezama koje proizlaze iz procesa evropskih integracija i Agende 2030 za održivi razvoj.

Prioriteti ekonomske politike u Bosni i Hercegovini usmjereni su na očuvanje makroekonomske stabilnosti, nastavak fiskalne konsolidacije, unapređenje upravljanja javnim finansijama, jačanje konkurentnosti privrede, digitalnu transformaciju, razvoj infrastrukture i provođenje strukturnih reformi u skladu sa zahtjevima Evropske unije. Poseban fokus u narednom periodu biće usmjeren na unapređenje investicionog ambijenta, efikasnije korištenje javnih resursa, razvoj energetskog sektora, digitalizaciju javne uprave i jačanje otpornosti ekonomije na vanjske poremećaje.

Makroekonomske projekcije za srednjoročni period zasnivaju se na očekivanom rastu domaće tražnje, investicija i izvozne aktivnosti, uz postepenu stabilizaciju inflacije i umjeren rast ekonomskih aktivnosti. Istovremeno, prisutni rizici u međunarodnom ekonomskom okruženju, uključujući geopolitičke nestabilnosti, usporavanje privrednog rasta u evropskim zemljama i promjene na energetskom tržištu, zahtijevaju oprezan pristup fiskalnom planiranju i upravljanju javnim finansijama.



Fiskalna politika svih nivoa vlasti u Bosni i Hercegovini u narednom periodu biće usmjerena na jačanje fiskalne discipline, povećanje transparentnosti budžetskog procesa, unapređenje naplate javnih prihoda i racionalizaciju javne potrošnje. Poseban značaj imaće aktivnosti usmjerene na smanjenje sive ekonomije, unapređenje poreske administracije i stvaranje uslova za stabilan i održiv rast javnih prihoda.

Bosna i Hercegovina nastavlja aktivnosti na provođenju reformi u okviru procesa pristupanja Evropskoj uniji, pri čemu Program ekonomskih reformi predstavlja jedan od ključnih dokumenata ekonomskog dijaloga sa Evropskom komisijom. Strukturne reforme planirane u narednom periodu odnose se prvenstveno na unapređenje tržišta rada, modernizaciju javne uprave, digitalnu i zelenu tranziciju, jačanje konkurentnosti privrede i unapređenje poslovnog okruženja.

Sa aspekta Federacije Bosne i Hercegovine, Strategija razvoja Federacije Bosne i Hercegovine za period 2021–2027. definiše četiri ključna razvojna cilja koji predstavljaju okvir za planiranje i provođenje razvojnih politika na svim nivoima vlasti. Ti ciljevi su: ubrzan i održiv ekonomski razvoj, inkluzivan društveni razvoj, efikasno upravljanje prirodnim resursima i zaštita okoliša, te unapređenje transparentnosti i efikasnosti javnog sektora.

Poseban značaj u ostvarivanju ovih ciljeva imaju unapređenje inovacija i digitalizacije, razvoj poduzetništva i jačanje finansijskog sistema, kao ključnih pokretača ekonomskog rasta i konkurentnosti. Njihova realizacija povezana je s reformama upravljanja javnim finansijama i drugim razvojnim politikama koje se provode na nivou Federacije BiH.

Vlada Federacije BiH usvojila je i Strategiju zapošljavanja Federacije BiH 2023–2030, koja je usklađena sa Strategijom razvoja Federacije BiH. Strategija je usmjerena na povećanje zaposlenosti, razvoj kvalitetnijeg tržišta rada i unapređenje sistema obrazovanja kroz njegovo bolje povezivanje sa potrebama privrede i razvojem potrebnih vještina.

Za ostvarenje navedenih razvojnih opredjeljenja od posebnog značaja je provođenje strukturnih reformi koje doprinose jačanju konkurentnosti privrede, unapređenju poslovnog okruženja i održivom ekonomskom rastu. Takav reformski okvir predstavlja



osnovu za uspješnije korištenje razvojnih potencijala i nastavak procesa evropskih integracija, a ujedno daje smjernice i za planiranje razvojnih aktivnosti na nivou Grada Sarajeva.

4. Osnovni makroekonomski pokazatelji Bosne i Hercegovine i Federacije BiH

Makroekonomska stabilnost predstavlja ključni preduslov za održiv ekonomski rast, jačanje konkurentnosti privrede i unapređenje životnog standarda stanovništva. Njeno očuvanje u srednjoročnom periodu zavisi od efikasnog upravljanja javnim finansijama, fiskalne konsolidacije, unapređenja budžetskog planiranja, jačanja sistema javnih kontrola, kao i provođenja strukturnih reformi.

Ekonomska kretanja u Bosni i Hercegovini u prethodnom periodu karakteriše umjeren, ali stabilan rast, uz izraženu zavisnost od kretanja u vanjskom okruženju, posebno ekonomijama Evropske unije kao glavnim trgovinskim partnerima. Domaća tražnja, prvenstveno privatna potrošnja i investicije, i dalje predstavlja osnovni generator ekonomskog rasta.

Inflatorni pritisci koji su bili izraženi u prethodnim godinama postepeno se stabilizuju, dok se u srednjoročnom periodu očekuje njihovo dodatno usporavanje, pod uslovom stabilizacije globalnih cijena energenata i hrane. Istovremeno, očekuje se postepeno jačanje investicione aktivnosti, uz značajniji doprinos javnih i privatnih investicija ekonomskom rastu.

Federacija BiH je u prethodnom periodu zadržala stabilnost sistema naplate javnih prihoda, što je omogućilo kontinuitet u finansiranju javnih funkcija i razvojnih politika. Kretanje javnih prihoda i dalje je uslovljeno kretanjima na tržištu rada, nivoom potrošnje i ekonomskim aktivnostima, uz postepeno jačanje fiskalne discipline.

U srednjoročnom periodu 2027–2029. godine očekuje se nastavak umjerenog ekonomskog rasta uz postepenu stabilizaciju makroekonomskih pokazatelja. Projekcije se zasnivaju na pretpostavci umjerenog rasta u EU27, stabilizacije inflacije, kao i nastavka provođenja strukturnih reformi u Bosni i Hercegovini.

Na osnovu podataka Direkcije za ekonomsko planiranje (DEP) iz marta 2026. godine u nastavku slijedi tabelarni prikaz osnovnih makroekonomskih pokazatelja za period 2024 – 2029. godine.



Tabela 1: Osnovni makroekonomski pokazatelji za period 2024. – 2029. godine

Makroekonomski pokazatelji za period 2024-2029

Indikator	Zvanični podaci		Projekcije			
	2024	2025	2026	2027	2028	2029
Nominalni BDP u mil KM	55.091	59.440	62.895	66.115	69.602	73.486
Nominalni rast u %	6	7,9	5,8	5,1	5,3	5,6
BDP deflator (prethodna godina = 100)	103,4	105,7	103,7	102,5	102,2	102,1
Realni BDP u mil KM (prethodna godina = 100)	53.300	56.247	60.651	64.521	68.101	71.987
Realni rast u %	2,6	2,1	2	2,6	3	3,4
Inflacija mjerena indeksom potrošačkih cijena u %	1,7	4	4,1	2,2	2,1	2
Potrošnja u mil KM	47.560	50.700	53.459	56.068	58.546	61.292
Realni rast u %	4,1	2,2	1,6	2,1	2	2,3
Vladina potrošnja u mil KM	10.524	11.471	11.896	12.729	13.518	14.329
Realni rast u %	2,8	2,8	2,2	1,9	2,1	1,9
Privatna potrošnja u mil KM	37.036	39.229	41.563	43.340	45.028	46.963
Realni rast u %	4,4	2	1,4	2,1	2	2,4
Investicije (bruto) u stalna sredstva u mil KM	13.097	14.194	14.962	16.024	17.154	18.395
Realni rast u %	10,2	5,2	3,3	5,4	5,5	5,7
Vladine investicije u mil KM	1.831	2.106	2.306	2.520	2.772	3.049
Realni rast u %	16,9	11,7	7,2	7,4	7,7	7,7
Privatne investicije u mil KM	11.266	12.088	12.656	13.504	14.382	15.346
Realni rast u %	9,2	4,2	2,6	5	5,1	5,3
Uvoz u mil KM	29.057	30.602	31.878	33.548	35.429	37.416
Nominalni rast u %	4,5	5,3	4,2	5,2	5,6	5,6
Realni rast u %	4,7	5,2	2,6	3,5	4,1	3,1
Izvoz u mil KM	21.879	23.133	24.033	25.177	26.640	28.188
Nominalni rast u %	-0,2	5,7	3,9	4,8	5,8	5,8
Realni rast u %	-1,6	2,6	1,9	3,2	4,2	3,2
Nacionalna bruto štednja u % BDP-a	23,1	23,9	24,2	24,3	24,7	25,3
Bilans tekućeg računa u mil KM	-1.860	-1.994	-2.088	-2.371	-2.631	-2.866
Rast u %	74,4	7,2	4,7	13,6	11	8,9
Bilans tekućeg računa u % BDP-a	-3,4	-3,4	-3,3	-3,6	-3,8	-3,9

IZVOR: DEP - mart 2026. godine

Projekcije makroekonomskih pokazatelja za period 2027–2029. godine zasnovane su na raspoloživim podacima Direkcije za ekonomsko planiranje BiH (DEP), međunarodnih finansijskih institucija, kao i na srednjoročnim projekcijama Evropske komisije i Međunarodnog monetarnog fonda.



Iz tabele je vidljivo da se 2027. godine očekuje rast nominalnog bruto domaćeg proizvoda za 5,1%, te rast realnog bruto domaćeg proizvoda za 2,6%. Također se očekuje rast potrošnje za 2,1%. Dalje, u skladu sa projekcijama 2027. godine uvoz će zabilježiti rast od 5,2% nominalno u odnosu na prethodnu godinu, dok će izvoz rasti, tačnije 4,8% nominalno.

5. Osnovni pokazatelji ekonomske i fiskalne politike

Federalno ministarstvo finansija je dostavilo revidirane projekcije javnih prihoda za 2026. godinu i projekcija za period 2027.-2029. godine (broj: 05-12-5-3980/26-1 od 08.05.2026.godine) zasnovane na zadnjim zvaničnim makroekonomskim prognozama, preuzetim od Direkcije za ekonomsko planiranje (DEP), u martu 2026. godine, te prate pretpostavljena kretanja ključnih parametara sa kojima su u korelaciji.

Osvrt na makroekonomske pokazatelje iz prethodne godine:

Kako je navedeno od strane DEP-a, tokom 2025. godine u Bosni i Hercegovini nastavljen je trend ekonomskog rasta, koji prema preliminarnim podacima iznosi 2,1%. Glavni oslonac rastu predstavljala je domaća potražnja kroz povećanje prije svega privatne potrošnje. Rast privatne potrošnje generisan je ostvarenim povećanjem plaća i penzija, kao i povećanim prilivima doznaka građana iz inostranstva. Uzimajući u obzir zabilježen viši nivo inflacije (4%) u odnosu na prethodnu godinu, tokom 2025. godine došlo je i do povećanja javne potrošnje na svim nivoima vlasti u cilju zaštite životnog standarda građana u okviru borbe protiv inflacije. Pored potrošnje, u Bosni i Hercegovini tokom 2025. godine nastavljen je i trend rasta ukupnih investicija, sa većim doprinosom privatnih investicija ekonomskom rastu. S druge strane, doprinos trgovinskog bilansa bio je blago negativan.

Osvrt na makroekonomske pretpostavke za tekuću godinu:

Nadalje, trenutni podaci ukazuju na nastavak trenda rasta ekonomskih aktivnosti i u tekućoj 2026. godini, ali uslijed značajnih geopolitičkih nestabilnosti, koje bi mogle imati negativne ekonomske posljedice kako u svijetu tako i u zemljama EU prognoza ekonomskog rasta u navedenoj godini iznosi 2% i snižena je za 0,6 p.p. u odnosu na prognozu iz projekcionog ciklusa Jesen 2025. Očekuje se da bi domaća tražnja kroz povećanje potrošnje i djelimično investicija trebala predstavljati glavno uporište projektovanog ekonomskog rasta, uz nešto pozitivniji doprinos vanjskog sektora u odnosu na prethodnu godinu. Uzimajući u obzir da će se razvoj događaja u međunarodnom okruženju, prvenstveno stavljajući akcent na energetske krizu, u značajnoj mjeri preliti i na ekonomske



tokove u domaćem okruženju, najnovija zvanična prognoza inflacije mjerene indeksom potrošačkih cijena za 2026. godinu iznosi 4,1% i veća je za 1,3 p.p. u odnosu na prognozu iz projekcionog ciklusa Jesen 2025.

Osvrt na makroekonomske pretpostavke za srednjoročni period:

Očekivana prosječna godišnja stopa ekonomskog rasta u Bosni i Hercegovini u periodu 2027. – 2029. godina iznosi 3% (2027: 2,6%, 2028: 3,0% i 2029: 3,4%), a prepoznati glavni nosioci rasta ostaju isti kao i u prethodnim godinama (finalna potrošnja i investicije), uz nastavak poboljšanja vanjskotrgovinske razmjene. Procjenjuje se da će u 2027. godini i naredne dvije nivo inflacije biti umjeren bez značajnih godišnjih šokova (2027: 2,1%, 2028: 2% i 2029: 2,3%).

Rizici po ostvarenje makroekonomskih prognoza:

Kada je riječ o rizicima po ostvarenje prognoziranog ekonomskog rasta, kako za tekuću godinu, tako i za posmatrani srednjoročni period, prisutna je veća izraženost vanjskih rizika: visoka neizvjesnost u vanjskom okruženju, slabljenje globalnog ekonomskog rasta, uz jačanje inflatornih pritisaka, koji se kroz nižu potrošnju, investicije i vanjskotrgovinsku razmjenu negativno uticali na domaći ekonomski rast. Pored eksternih faktora, važnu odrednicu ekonomskog rasta u posmatranom srednjoročnom periodu imati će i interni institucionalni kapacitet za provedbu krucijalnih strukturalnih reformi, pri tome posebno ističući reforme vezane za oblast zelene ekonomije, čije neblagovremeno provođenje bi u značajnoj mjeri oslabilo konkurentnost domaće ekonomije na međunarodnom tržištu.

Osvrt na revidirane projekcije prihoda za tekuću godinu i projekcije za srednjoročni period:

Projekcije prihoda od indirektnih poreza temelje se na postojećim politikama indirektnog oporezivanja, a bazirane su na srednjoročnom Planu naplate ukupnih prihoda na Jedinstvenom računu, preuzetom od strane Odjeljenja za makroekonomsku analizu Upravnog odbora Uprave za indirektno oporezivanje (OMA) u aprilu 2025. godine. Nadalje, izvršena je procjena učešća Federacije BiH u međuentitetskoj raspodjeli, dok je projekcija raspoloživog dijela ovih prihoda za raspodjelu korisnicima u Federaciji BiH po godinama, zasnovana i na godišnjem planu otplate vanjskog duga.



Rizici po ostvarenje projekcija prihoda:

Srednjoročne projekcije javnih prihoda u Federaciji BiH prate makroekonomska očekivanja u kretanju onih agregata sa kojim su u značajnoj korelaciji. Obzirom na visok nivo nepredvidivosti krajnjeg ishoda ekonomskih tokova, moguće su i značajnije promjene u realizaciji projekcija javnih prihoda. Pored navedenog, na drugačiji ishod u naplati prihoda mogu u značajnoj mjeri utjecati:

- neplanirane izmjene poreznih politika,
- značajna odstupanja u kretanju koeficijenata raspodjele prihoda od indirektnih poreza između entiteta u odnosu na trenutno procijenjeni,
- promjene u nivou planirane otplate vanjskog duga,
- promjene u izdvajanju prihoda od indirektnih poreza za Institucije BiH,
- te razvoj drugih događaja poput novih elementarnih nepogoda i sl.

6. Procjena prihoda u DOB-u Grada Sarajeva za period 2027.-2029. godina

Ključni faktor za određivanje predloženih prioriteta potrošnje i gornjih granica rashoda predstavlja projicirani okvir prihoda. Ustavni položaj Grada Sarajeva, kao i ograničene nadležnosti jedinice lokalne samouprave uprkos presudama Ustavnog suda, i dalje predstavljaju značajnu slabost Sarajeva kao glavnog grada Bosne i Hercegovine. Shodno tome, budžet Grada Sarajeva ostaje relativno skroman i najvećim dijelom se puni iz dva osnovna izvora: dijela javnih prihoda od indirektnih poreza koji Gradu Sarajevo pripadaju u skladu sa Zakonom o raspodjeli javnih prihoda, te prihoda od poreza na promet nepokretnosti, koji se ostvaruju kroz podijeljene nadležnosti sa gradskim općinama.

Većina drugih izvora prihoda koji su na raspolaganju ostalim jedinicama lokalne samouprave u Bosni i Hercegovini nisu dostupni Gradu Sarajevu. U strukturi ukupnih prihoda, porezni prihodi, odnosno prihodi od indirektnih poreza koji pripadaju Gradu Sarajevu i prihodi od poreza na imovinu, predstavljaju najznačajniji izvor finansiranja sa učešćem od približno 95% u posmatranom periodu 2027.-2029. godine. Eventualna odstupanja ovih prihoda u odnosu na planirane projekcije mogla bi značajno uticati na rashodovnu stranu Budžeta Grada Sarajeva u navedenom periodu.



Prilikom projekcije ostalih neporeznih prihoda, čije učešće u ukupnim prihodima iznosi oko 5%, Služba finansija koristila je podatke o ostvarenju prihoda u prethodne dvije godine, kao i ostvarenje za period I-V tekuće godine, uz pretpostavku njihovog kontinuiranog ostvarenja do kraja budžetske 2026. godine.

6.1 Prihodi od indirektnih poreza

Projekcije prihoda od indirektnih poreza zasnovane su na revidiranim makroekonomskim projekcijama Direkcije za ekonomsko planiranje (DEP) iz marta 2026. godine, te uzimaju u obzir aktuelne trendove naplate indirektnih poreza, makroekonomska kretanja i važeće politike u oblasti indirektnog oporezivanja. Projekcije su pripremljene na osnovu revidiranih projekcija prihoda po osnovu indirektnih poreza za 2026. godinu i projekcija za period 2027–2029. godine, dostavljenih od strane Federalnog ministarstva finansija.

U prvom kvartalu 2026. godine ostvarenje prihoda od indirektnih poreza karakterisala su odstupanja u odnosu na planiranu dinamiku punjenja budžeta. „Posmatrano zaključno sa 31.05.2026. godine, ukupno ostvareni prihodi bilježe 2% niži nivo realizacije u odnosu na planirane vrijednosti, što je prvenstveno rezultat sporijeg ostvarenja pojedinih kategorija neporeznih prihoda i usporenih ekonomskih kretanja u posmatranom periodu. Međutim, potrebno je naglasiti da revidirane projekcije prihoda iz maja 2026. godine ukazuju na veće očekivano ostvarenje predmetnih prihoda u odnosu na projekcije iz oktobra 2025. godine, koje su korištene prilikom izrade Budžeta za 2026. godinu, što upućuje na povoljnija kretanja prihodne strane u odnosu na prvobitne planske pretpostavke.

I pored navedenog, indirektni porezi i dalje predstavljaju najznačajniji i najstabilniji izvor prihoda Budžeta Grada Sarajeva, te je od posebne važnosti da se procjene ove grupe prihoda zasnivaju na realnim makroekonomskim pokazateljima i zvaničnim projekcijama nadležnih institucija.

Služba finansija Grada Sarajeva je prilikom izrade ovog dokumenta i procjene prihoda za naredni budžetski period koristila dostavljene revidirane projekcije Federalnog ministarstva finansija, uvažavajući aktuelna makroekonomska kretanja, trendove naplate javnih prihoda, kao i procijenjene rizike koji mogu uticati na ostvarenje budžetskih prihoda u narednom periodu.



Tabela 2: Revidirane projekcije javnih prihoda za 2026. godinu i projekcija za period 2027.-2029. godina. Koje pripadaju Gradu Sarajevo (0,25%)

Vrsta Prihoda	Projekcija			KM
	2026.	2027.	2028.	2029.
Prihodi od indirektnih poreza sa Jedinstvenog računa – Grad Sarajevo	12.447.858	13.131.978	13.780.788	14.570.107

Iz tabele revidiranih projekcija javnih prihoda evidentno je da srednjoročne projekcije prihoda za period 2027.-2029. godine prate pozitivne makroekonomske prognoze. Projektirana naplata prihoda od indirektnih poreza u 2027. godini očekuje se da bude viša nego u prethodnoj godini.

Ostvarenje projektiranog nivoa prihoda od indirektnih poreza u periodu 2027.-2029. godine podložno je sljedećim rizicima:

- svim rizicima za ostvarenje projektiranih makroekonomskih pokazatelja (DEP),
- rizicima koji se odnose na samu naplatu prihoda od indirektnih poreza i borbu protiv sive ekonomije,
- Izmjenama Zakona o PDV-u uvedeno je pravo na povrat PDV-a na kupovinu prvog stambenog objekta, koje su stupile na snagu u aprilu 2025. godine. U međuvremenu je donesen Pravilnik o primjeni Zakona o PDV-u, kojim su precizirani uvjeti za ostvarivanje ovog prava. S obzirom na to da je primjena navedenih odredbi započela, u vrijeme izrade projekcija i dalje nije moguće precizno procijeniti statičke efekte na naplatu indirektnih poreza, odnosno potencijalni gubitak prihoda od PDV-a.
- Svaki neplanirani događaj u 2026. godini, koji se može u značajnoj mjeri odraziti na pretpostavljene iznose javnih prihoda, može dovesti i do ponovnog vanrednog revidiranja projekcija prihoda za period 2027.-2029. godine.



6.2 Prihodi od poreza na imovinu

Prihodi koji se odnose na oporezivanje posjedovanja i prometa imovinom obuhvataju porez na imovinu, porez na naslijeđe i poklone, te porez na promet nepokretnosti. U Federaciji BiH ovi prihodi su uređeni kantonalnim propisima, kao i propisima jedinica lokalne samouprave. Njihova naplata se vrši u korist računa javnih prihoda kantona, pri čemu se određeni dio, u skladu s propisanim omjerima, raspoređuje općinskim i gradskim budžetima, zavisno od rješenja svakog kantona.

Prihod od poreza na imovinu, koji Grad Sarajevo dijeli sa gradskim općinama, u 2025. godini ostvaren je u iznosu većem za 2,23% u odnosu na 2024. godinu. Ovaj приход spada među ključne izvore finansiranja budžeta Grada Sarajeva. Pozitivni trendovi u naplati ovog prihoda nastavljeni su i tokom 2026. godine, pa je zaključno sa 31.05.2026. godine ostvarenje prihoda od poreza na imovinu premašilo planiranu dinamiku naplate za prvih pet mjeseci tekuće godine za 6%, što ukazuje na stabilan rast i povoljnija kretanja u odnosu na planske pretpostavke.

S obzirom na to da se radi o više vrsta poreza čije su nadležnosti, način obračuna i raspodjela uređeni različitim propisima, poređenje i praćenje njihovih trendova kroz duži vremenski period je otežano. Zbog toga se analiza kretanja ovih prihoda mora posmatrati uz određeni stepen ograničenja u pogledu njihove direktne uporedivosti kroz duži vremenski period. Imajući u vidu navedeno, kao i evidentnu uzlaznu putanju ostvarenja ovih prihoda u prethodnom periodu, projekcije za 2027. godinu zadržane su na nivou planiranog u 2026 godini, dok su za naredni srednjoročni period planirani umjereni iznosi rasta, uvažavajući dosadašnje trendove naplate i očekivana makroekonomska kretanja.

6.3 Neporezni prihodi

Naplata različitih kategorija neporeznih prihoda na području Federacije BiH uređena je važećom legislativom Federacije BiH, kantona i jedinica lokalne samouprave, što u značajnoj mjeri određuje i njihovu budžetsku pripadnost. S obzirom na ranije navedeno, Grad Sarajevo je ostao bez dijela nadležnosti koje su uobičajene za jedinice lokalne samouprave, zbog čega većina neporeznih prihoda koji su dostupni drugim općinama i gradovima u BiH nije na raspolaganju Gradu Sarajevu. Izuzetak predstavljaju pojedine vrste neporeznih prihoda koje su uspostavljene na nivou Grada Sarajeva i čija se naplata vrši u skladu s važećim propisima. Shodno tome, ukupni neporezni prihodi imaju relativno skromno učešće u ukupnim приходima Grada.



6.4 Prihodi budžeta Grada Sarajeva

Ukupno ostvareni prihodi i primici Budžeta Grada Sarajeva u 2025. godini iznose 25.360.167 KM, što je za 15,9 % više u odnosu na ostvarene prihode i primitke u 2024. godini.

Tabela 3: Pregled ostvarenih prihoda u 2025. godini

OSTVARENI PRIHODI ZA PERIOD 01.01.-31.12.2025. GODINE						
Ekonomski kod	Opis	Budžet Grada Sarajeva za 2025. godinu	Ukupno ostvareno za period 01.01.-31.12.2025. godine	Ukupno ostvareno za period 01.01.-31.12.2024. godine	Index 2/1	Index 3/2
		1	2	3	4	5
I	RAČUN PRIHODA A+B+C	25.833.495	24.797.853	21.730.656	95,99	114,11
A	PRIHODI OD POREZA	19.813.743	20.162.207	18.791.304	101,76	107,30
714000	Porez na imovinu	9.000.000	8.792.297	8.600.623	97,69	102,23
717000	Prihodi od indirektnih poreza	10.813.743	11.369.909	10.190.681	105,14	111,57
B	NEPOREZNI PRIHODI	1.167.000	1.235.453	1.116.145	105,87	110,69
721000	Ostali prihodi od imovine	801.000	1.006.264	807.546	125,63	124,61
722000	Naknade i takse i prihodi od pružanja javnih usluga	361.000	228.365	308.324	63,26	74,07
723000	Novčane kazne	5.000	825	275	16,50	300,00
C	TEKUĆI TRANSFERI	4.852.752	3.400.193	1.823.207	70,07	186,50
731000	Primljeni tekući transferi od inostranih vlada	810.598	570.705	139.297	70,41	409,71
732000	Tekući transferi	66.217	49.970	332.999	75,46	15,01
733000	Donacije	0	0	105.001	0,00	0,00
742000	Kapitalni transferi	3.975.937	2.779.518	1.245.910	69,91	223,09
II	PRIMICI	3.738.309	562.314	148.554	15,04	378,52
810000	Kredit Razvojne banke FBiH	3.738.309	562.314	148.554	15,04	378,52
III	Suficit	1.508.100	0	0	0,00	0,00
590000	Ukupan višak prihoda nad rashodima prenesen iz prethodnih perioda	1.508.100	0	0	0,00	0,00
IV	UKUPNI PRIHODI I+II+III	31.079.904	25.360.167	21.879.210	81,60	115,91

Prateći prethodno data pojašnjenja o pripremi projekcija, izvršena je izrada projekcije prihoda Budžeta Grada Sarajeva za period 2027.-2029. godine, po pojedinačnim kategorijama prihoda. Naglašava se da se prikazani iznosi odnose na očekivanu tekuću naplatu javnih prihoda u okviru jedne fiskalne godine, te ne obuhvataju prenesena neutrošena sredstva iz ranijih perioda (uključujući transfere, kredite i eventualni suficit), kao ni planirane transfere i grantove sa drugih nivoa vlasti.

Projektovani prihodi iznose 23.618.978 KM u 2027. godini, 24.392.788 KM u 2028. godini, te 25.142.107 KM u 2029. godini.



U narednoj tabeli dat je okvir prihoda koji će služiti kao osnova za izradu DOB-a Grada Sarajeva za period 2027.-2029. godine. Struktura i nivo projektovanih prihoda u ovom trogodišnjem periodu odražavaju očekivane trendove ekonomske aktivnosti iz prethodnih godina.

Tabela 4: Projicirani prihodi za period 2027. - 2029. godine

PROCJENA PRIHODA ZA PERIOD 2027.-2029. GODINA								
Ekonomski kod	Naziv stavke		Ukupno ostvareno za period 01.01.-31.12.2025. godinu	Ukupno ostvareno za period 01.01.-31.05.2026. godine	Budžet Grada Sarajeva za 2026. godinu	Procjena prihoda Budžeta Grada Sarajeva za 2027. godinu.	Procjena prihoda Budžeta Grada Sarajeva za 2028. godinu.	Procjena prihoda Budžeta Grada Sarajeva za 2029. godinu.
1	2		3	4	5	6	7	8
	I-II UKUPNA SREDSTVA		25.360.167	17.649.585	26.154.700	23.618.978	24.392.788	25.142.107
	I PRIHODI IZ TEKUĆE GODINE		24.797.853	13.762.873	24.169.700	23.618.978	24.392.788	25.142.107
710000	PRIHODI OD POREZA		20.162.207	9.063.909	21.156.500	22.231.978	22.980.788	23.770.107
	714100	Porez na imovinu	8.792.297	4.373.701	9.100.000	9.100.000	9.200.000	9.200.000
		714130 Porez na promet nepokretnosti i prava	8.792.297	4.373.701	9.100.000	9.100.000	9.200.000	9.200.000
	717100	Prihodi od indirektnih poreza	11.369.909	4.690.208	12.056.500	13.131.978	13.780.788	14.570.107
		717151 Prihodi od indirektnih poreza koji pripadaju Gradu Sarajevu	11.369.909	4.690.208	12.056.500	13.131.978	13.780.788	14.570.107
720000	NEPOREZNI PRIHODI		1.235.453	111.142	1.267.000	1.387.000	1.412.000	1.372.000
	721100	Prihodi od nefinansijskih javnih preduzeća i finansijskih javnih institucija	1.006.046	0	900.000	1.000.000	1.000.000	1.000.000
		721111 Prihodi od dividendi i udjela u profitu u javnim preduzećima i finansijskim institucijama	1.006.046	0	900.000	1.000.000	1.000.000	1.000.000
	721200	Ostali prihodi od imovine	218	218	1.000	1.000	1.000	1.000
		721211 Prihodi od kamate za depozite u banci	218	218	1.000	1.000	1.000	1.000
	722300	Komunalne naknade i pristojbe	27.793	27.793	30.000	30.000	50.000	30.000
		722320 Općinske komunalne takse	27.793	27.793	30.000	30.000	50.000	30.000
	722600	Prihodi od pružanja javnih usluga i vlastiti javni prihodi	142.929	55.406	241.000	241.000	241.000	241.000
		722642 Vlastiti prihodi od iznajmljivanja poslovnih prostora,	34.617	1.024	45.000	45.000	45.000	45.000
		722643 Vlastiti prihodi od iznajmljivanja drugih nepokretnosti, (stanovi, garaže)	2.804	4.810	6.000	6.000	6.000	6.000
		722643 Vlastiti prihodi od iznajmljivanja drugih nepokretnosti, (upotreba imena Grada)	56.600	33.760	90.000	90.000	90.000	90.000
		722651 Vlastiti javni prihodi od prodaje usluga, pristupa i korištenja (Odluka o vodotocima)	48.909	15.812	100.000	100.000	100.000	100.000
	722700	Neplanirane uplate-prihodi	57.642	26.900	90.000	110.000	115.000	95.000
		722761 Uplaćene refundacije	0	0	10.000	10.000	15.000	15.000
		722791 Ostale neplanirane uplate	57.642	26.900	80.000	100.000	100.000	80.000
	723100	Novčane kazne	825	825	5.000	5.000	5.000	5.000
		723100 Novčane kazne	825	825	5.000	5.000	5.000	5.000
730000	TEKUĆI TRANSFERI (TRANSFERI I DONACIJE)		3.400.193	4.587.822	1.746.200	0	0	0
	731100	Primljeni tekući transferi od inostranih vlada	570.705	616.650	186.200	0	0	0
		731111 Primljeni tekući transferi od inostranih vlada	83.999	38.076	186.200			
		731121 Primljeni tekući transferi od međunarodnih organizacija	486.706	578.574				
	732100	Primljeni tekući transferi od ostalih nivoa vlasti	49.970	22.000	60.000	0	0	0
		732112 Primljeni tekući transferi od Federacije						
		732114 Primljeni tekući transferi od Kantona		2.000				
		732114 Obnova i rekonstrukcija Bistričkog potoka						
		732116 Primljeni tekući transferi od Općina	9.970	20.000	10.000			
		732114/1 Doček Nove godine	40.000		50.000			
	733100	Donacije	0	0	0	0	0	0
		733112 Donacije od pravnih lica						
	742100	Primljeni kapitalni transferi od ostalih nivoa vlasti	2.779.518	3.949.172	1.500.000	0	0	0
		742112 Primljeni kapitalni transferi od Federacije	908.863	1.418.269				
		742114 Primljeni kapitalni transferi od Kantona	1.525.941	1.697.537	1.500.000			
		742116 Primljeni kapitalni transferi od Općina	344.714	833.366				
810000	II PRIMICI		562.314	3.886.712	0	0	0	0
	814300	Primici od domaćeg zaduživanja	562.314	3.886.712	0	0	0	0
		814331 Prenesena kreditna sredstva Razvojne banke iz 2020. godine	562.314	3.886.712				
590000	NERASPOREĐENI VIŠAK PRIHODA I RASHODA		0	0	1.985.000	0	0	0
	591100	Neraspoređeni višak prihoda i rashoda	0	0	1.985.000	0	0	0
		591111 Ukupan višak prihoda nad rashodima prenesen iz prethodnih perioda	0	0	1.985.000	0	0	0



7. Plan upravljanja javnim dugom Grada Sarajeva

Javni dug i garancije Federacije Bosne i Hercegovine, postupak zaduživanja i izdavanje garancija, limiti zaduživanja, osiguranje sredstava za otplatu duga, vođenje evidencija o dugu i druga pitanja koja se odnose na dug i garancije Federacije, kantona, gradova i općina u Federaciji regulisani su Zakonom o dugu, zaduživanju i garancijama u Federaciji Bosne i Hercegovine. Federalno ministarstvo finansija je na osnovu Zakona o dugu, uspostavilo evidenciju koja se ažurira na osnovu podataka koje kantoni, gradovi i općine imaju obavezu dostavljati kvartalno. Shodno navedenom Grad Sarajevo na osnovu člana 71. Zakona o dugu, zaduživanju i garancijama Federacije Bosne i Hercegovine („Službene novine FBiH“, broj 45/25) i člana 10. stav 4. Pravilnik o evidencijama i izvještavanju o dugu i garancijama („Službene novine FBiH“, broj 92/25), sačinjava kvartalne i godišnji izvještaj o dugu.

Dug Grada Sarajeva na osnovu kredita podignutog kod Razvojne banke Federacije Bosne i Hercegovine na dan 31.12.2025. godine iznosi 6.660.313 KM.

Tabela 5: Pregled stanja duga

Unutarnji dug Grada Sarajeva na dan 31.12.2025. godine											
Ročnost duga	Naziv kreditora	Oznaka kredita	Ugovoreni iznos kredita	Iskorišteni iznos kredita	Otplaćene glavnice u izvještajnom periodu	Plaćene kamate u u izvještajnom periodu	Stanje duga na dan 31.12.2024 (t-1)	Stanje duga na dan 31.12.2025 (t)	Projekcija stanja duga na dan 31.12.2026. (t+1)	Projekcija stanja duga na dan 31.12.2027 (t+2)	Projekcija stanja duga na dan 31.12.2028 (t+3)
1	2	3	4	5	6	7	8	9	10	11	12
Dugoročni	RAZVOJNA BANKA FBIH	Ugovoru o kreditu između Razvojne banke FBiH i Grada Sarajeva, broj DO-18-16-7501-VIII/20 od 03.08.2020. godine. Aneksa 1 ugovora broj 10072-VIII/23 od 01.09.2023. godine i Aneksa 2 ugovora broj 6633-IX/24 od 29.05.2024.godine.	10.000.000	6.640.106	909.096	165.706	7.735.515	6.660.713	5.608.638	4.579.291	3.572.385
Ukupno dugoročni dug:			10.000.000	6.640.106	909.096	165.706	7.735.515	6.660.713	5.608.638	4.579.291	3.572.385



Postojeći kredit se uredno otplaćuje u skladu sa zaključenim ugovorom i otplatnim planom. Grad Sarajevo neće preći limit predviđen Članom 76. Zakona o dugu, zaduživanju i garancijama u Federaciji BiH, koji glasi da „ukoliko u vrijeme odobrenja zaduženja ili izdavanja garancije iznos servisiranja duga i potencijalnog duga koji dopijeva u svakoj narednoj godini, uključujući i servisiranje za predloženo novo zaduženje ili izdavanje garancije ne prelazi 20% prosječnih redovnih prihoda grada odnosno općine ostvarenih u posljednje tri fiskalne godine

Tako da prema raspoloživim podacima iz otplatnog plana, godišnje opterećenje servisa trenutnog ukupnog duga u odnosu na prosječni redovni prihod grada ostvarenog u posljednje tri fiskalne godine koji iznosi 22.425.424 KM, je za 2027. godinu 4,59%, za 2028. godinu 4,49%, za 2029. godinu 4,39%.

Tabela 6: Pregled stanja duga i obaveza za servisiranje za period 2027.-2029. godine

KREDIT KOD RAZVOJNE BANKE FBiH	SERVISIRANJE OBAVEZA 2027. GODINA			SERVISIRANJE OBAVEZA 2028. GODINA			SERVISIRANJE OBAVEZA 2029. GODINA		
	GLAVNICA	KAMATA	UKUPNO	GLAVNICA	KAMATA	UKUPNO	GLAVNICA	KAMATA	UKUPNO
1	2	3	4	5	6	7	8	9	10
	75.758,00	11.098,95	86.856,95	75.758,00	9.168,67	84.926,67	75.758,00	7.238,40	82.996,40
	75.758,00	10.938,09	86.696,09	75.758,00	9.007,82	84.765,82	75.758,00	7.077,55	82.835,55
	75.758,00	9.734,28	85.492,28	75.758,00	8.276,19	84.034,19	75.758,00	6.247,33	82.005,33
	75.758,00	10.616,38	86.374,38	75.758,00	8.686,11	84.444,11	75.758,00	6.755,83	82.513,83
UKUPNO OSTVARENI PRIHOD U 2023. GODINI	75.758,00	10.118,25	85.876,25	75.758,00	8.250,24	84.008,24	75.758,00	6.382,24	82.140,24
20.036.896,00	75.758,00	10.294,67	86.052,67	75.758,00	8.364,39	84.122,39	75.758,00	6.434,12	82.192,12
UKUPNO OSTVARENI PRIHOD U 2024. GODINI	75.758,00	9.806,91	85.564,91	75.758,00	7.938,91	83.696,91	75.758,00	6.070,90	81.828,90
21.879.210,00	75.758,00	9.972,95	85.730,95	75.758,00	8.042,68	83.800,68	75.758,00	6.112,41	81.870,41
UKUPNO OSTVARENI PRIHOD U 2025. GODINI	75.758,00	9.812,10	85.570,10	75.758,00	7.881,83	83.639,83	75.758,00	5.951,55	81.709,55
25.360.167,00	75.758,00	9.339,91	85.097,91	75.758,00	7.471,91	83.229,91	75.758,00	5.603,90	81.361,90
PROSJEČNI PRIHOD GRADA OSTVAREN U TRI POSLJEDNE FISKALNE GODINE	75.758,00	9.490,39	85.248,39	75.758,00	7.560,11	83.318,11	75.758,00	5.629,84	81.387,84
22.425.424,33	75.758,00	9.028,58	84.786,58	75.758,00	7.160,57	82.918,57	75.758,00	5.292,57	81.050,57
	909.096,00	120.251,46	1.029.347,46	909.096,00	97.809,43	1.006.905,43	909.096,00	74.796,64	983.892,64
KOFICIJENT ZADUŽENOSTI	4,05	0,54	4,59	4,05	0,44	4,49	4,05	0,33	4,39



Grad Sarajevo u narednom periodu, prema DOB-a, nije planirao nova kreditna zaduživanja tako da se u DOB-u ne prikazuju niti se mogu dati procjene novog javnog duga i njegove implikacije na budžete narednih godina, te je dat samo osvrt na trenutno zaduženje.

8. Rashodi Grada Sarajeva za period 2027.-2029. godine

Služba finansija Grada Sarajeva uputila je Gradskim službama budžetske instrukcije broj 1. na osnovu kojih su isti obaviješteni o rokovima, procesima i zahtjevima za dostavljanje informacija za proces pripreme DOB-a za period 2027.-2029. godine. Prilikom pregleda i razmatranja inicijalnih projekcija potrebnih budžetskih sredstava za naredni trogodišnji period, utvrđeno je da iznos finansijskih zahtjeva gradskih službi **nije** u značajnoj mjeri prevazilazio iznos projiciranih raspoloživih sredstava, a imajući u vidu trenutnu situaciju po pitanju procijenjenog raspoloživog nivoa budžetskih sredstava.

Kroz DOB se nastoji obezbijediti realan i održiv okvir za finansiranje prioriteta, uz usklađivanje raspoloživih sredstava sa strateškim ciljevima razvoja. Posebno se naglašava povezanost procesa izrade Strategije razvoja Grada Sarajeva, godišnjih i trogodišnjih planova rada službi, te njihovog usklađivanja sa srednjoročnim okvirom DOB-a i budžeta Grada Sarajeva, kako bi se osigurala dosljedna i planska realizacija razvojnih politika.

Gradske službe su kroz svoje finansijske zahtjeve iskazale potrebe za ukupnim budžetskim sredstvima u iznosu od 23.988.455 KM za 2027. godinu, 24.603.210 KM za 2028. godinu, te 24.328.981KM za 2029. godinu.

Nakon izdvajanja projekata, odnosno budžetskih pozicija koje se finansiraju iz transfera međunarodnih organizacija, izvršena je analiza finansijskih zahtjeva budžetskih korisnika u odnosu na raspoložive budžetske prihode. Time je omogućen realniji pregled fiskalnog prostora za finansiranje redovnih budžetskih aktivnosti. Ukupno iskazani finansijski zahtjevi budžetskih korisnika za 2027., 2028. i 2029. godinu kretali su se u okvirima projiciranih prihoda, što je omogućilo njihovo usklađivanje bez narušavanja principa uravnoteženosti budžeta. Služba finansija je, u postupku izrade srednjoročnog budžetskog okvira, izvršila usklađivanje finansijskih zahtjeva budžetskih korisnika sa projekcijama prihoda za planski period. Kroz proces racionalizacije i optimizacije pojedinih rashoda, te preispitivanja prioriteta potrošnje, osigurana je efikasnija alokacija raspoloživih budžetskih sredstava. Usklađeni finansijski planovi za 2027., 2028. i 2029. godinu u potpunosti su usaglašeni sa projekcijama prihoda i zasnovani na principima uravnoteženosti i odgovornog upravljanja javnim finansijama. Prioriteti potrošnje za period 2027.-2029. godine definisani u ovom dokumentu utvrđeni su na osnovu razmatranja sljedećih ključnih elemenata:



- raspoloživog fiskalnog okvira,
- dostavljenih finansijskih zahtjeva gradskih službi Grada Sarajeva.

U narednoj tabeli prikazan je konsolidovani okvir rashoda i izdataka Budžeta Grada Sarajeva za period 2027.-2029. godine.

Tabela 7: Rekapitulacija rashoda za period 2027.-2029. godina

RAČUN RASHODA, IZDATAKA I IZDATAKA IZ FINANSIRANJA raspoređuju se po namjenama, kako slijedi:									
Ekonomski kod	OPIS	Budžet Grada Sarajeva za 2026. godinu	Izvor 10 (budžetska sredstva)	ZAHTJEVI			ODOBRENO		
				DOB-2027. god	DOB-2028. god	DOB-2029. god	DOB-2027. god	DOB-2028. god	DOB-2029. god
		1	2	3	4	5	6	7	8
	RASHODI I IZDACI I+II+III+IV+V+VI+VII	26.154.700	24.167.500	23.988.455	24.603.210	24.328.981	23.618.978	24.392.788	25.142.107
	I Tekući izdaci (611000+612000+613000)	11.921.500	11.068.500	12.949.455	12.869.210	13.276.681	12.468.500	12.085.500	12.420.000
611000	Plaće i naknade troškova zaposlenih	5.607.000	5.607.000	5.775.000	5.935.000	6.090.000	5.775.000	5.935.000	6.090.000
611100	Bruto plaće i naknade	4.887.000	4.887.000	5.000.000	5.100.000	5.200.000	5.000.000	5.100.000	5.200.000
611200	Naknade troškova zaposlenih	720.000	720.000	775.000	835.000	890.000	775.000	835.000	890.000
612100	Doprinosi poslodavca	260.000	260.000	193.000	250.000	250.000	193.000	250.000	250.000
612110	Doprinosi poslodavca	260.000	260.000	193.000	250.000	250.000	193.000	250.000	250.000
613000	Izdaci za materijal i usluge	6.054.500	5.201.500	6.981.455	6.684.210	6.936.681	6.500.500	5.900.500	6.080.000
613100	Putni troškovi	161.000	120.000	260.000	260.000	260.000	140.000	140.000	140.000
613200	Izdaci za energiju	120.000	120.000	130.000	134.000	140.000	130.000	134.000	140.000
613300	Izdaci za komunikaciju i komunalne usluge	93.000	93.000	118.000	119.000	125.000	118.000	119.000	125.000
613400	Nabavka materijala i sitnog inventara	57.500	57.500	62.500	63.000	64.000	62.500	63.000	64.000
613500	Izdaci za usluge prevoza i goriva	24.000	24.000	30.000	30.000	30.000	30.000	30.000	30.000
613600	Unajmljivanje imovine, opreme i nematerijalne imovine	252.500	252.500	167.500	172.500	177.500	267.500	272.500	277.500
613700	Izdaci za tekuće održavanje	2.076.000	1.435.000	2.393.600	1.801.360	1.804.296	2.392.000	1.798.000	1.799.000
613800	Izdaci osiguranja, bankarskih usluga i usluga platnog prometa	60.000	60.000	65.000	65.000	65.000	65.000	65.000	65.000
613900	Ugovorene i druge posebne usluge	3.210.500	3.039.500	3.754.855	4.039.350	4.270.885	3.295.500	3.279.000	3.439.500
	II Tekući transferi	6.693.000	6.693.000	7.083.000	7.321.000	7.612.300	6.918.000	6.998.000	7.168.000
614100	Tekući transferi drugim nivoima vlasti	400.000	400.000	310.000	310.000	310.000	310.000	310.000	310.000
614200	Tekući transferi pojedincima	470.000	470.000	584.000	608.400	633.240	580.000	600.000	620.000
614300	Tekući transferi neprofitnim organizacijama	3.235.000	3.235.000	3.626.000	3.809.600	4.056.060	3.505.000	3.565.000	3.715.000
614400	Subvencije javnim preduzećima	2.485.000	2.485.000	2.460.000	2.490.000	2.510.000	2.420.000	2.420.000	2.420.000
614700	Tekući transferi međunarodnim organizacijama	0	0	0	0	0	0	0	0
614800	Drugi tekući rashodi	103.000	103.000	103.000	103.000	103.000	103.000	103.000	103.000
	III Kapitalni transferi	1.741.000	1.741.000	400.000	550.000	600.000	676.478	1.446.288	2.714.107
615100	Kapitalni transferi drugim nivoima vlasti	1.651.000	1.651.000	400.000	550.000	600.000	676.478	1.446.288	2.714.107
615400	Kapitalni transferi javnim preduzećima	90.000	90.000	0	0	0	0	0	0
	IV Izdaci za kamate	145.000	145.000	121.000	98.000	75.000	121.000	98.000	75.000
616300	Kamate na domaće pozajmljivanje	145.000	145.000	121.000	98.000	75.000	121.000	98.000	75.000
	V Izdaci za nabavku stalnih sredstava	4.644.200	3.510.000	2.425.000	2.755.000	1.755.000	2.425.000	2.755.000	1.755.000
821200	Nabavka građevina	250.000	250.000	400.000	400.000	400.000	400.000	400.000	400.000
821300	Nabavka opreme	254.200	220.000	240.000	170.000	170.000	240.000	170.000	170.000
821500	Nabavka stalnih sredstava u obliku prava	2.135.000	2.135.000	580.000	980.000	180.000	580.000	980.000	180.000
821600	Rekonstrukcija i investiciono održavanje	2.005.000	905.000	1.205.000	1.205.000	1.005.000	1.205.000	1.205.000	1.005.000
	VI Izdaci za otplate dugova	910.000	910.000	910.000	910.000	910.000	910.000	910.000	910.000
823300	Izdaci za otplatu glavnice kredita Razvojnoj banci FBiH	910.000	910.000	910.000	910.000	910.000	910.000	910.000	910.000
	VII Tekuća rezerva	100.000	100.000	100.000	100.000	100.000	100.000	100.000	100.000
	Tekuća rezerva	100.000	100.000	100.000	100.000	100.000	100.000	100.000	100.000



Ističemo, da u planiranim rashodima i izdacima za period 2027.-2029. godine izkazani samo oni rashodi i izdaci koji će se finansirati iz očekivane tekuće naplate javnih prihoda tokom jedne navedene fiskalne godine, te ne uključuju one rashode i izdatke koji će se finansirati iz prenesenih, neutrošenih sredstva iz ranijih perioda (transferi, krediti i mogući suficit), kao ni plan realizacije tranfera i grantova drugih nivoa vlasti.

Tabela 8: Rashodi i gornje granice predloženih izdataka gradskih službi

DOKUMENT OKVIRNOG BUDŽETA GRADA SARAJEVA ZA PERIOD 2027. - 2029. god.								
PRIHODI	BUDŽET GRADA SARAJEVA ZA 2026. GODINU		ZAHTJEVI ZA DOB			ODOBRENI DOB		
			2027.g	2028.g	2029.g	2027.g	2028.g	2029.g
IZNOS	26.154.700,00	24.167.500,00	23.618.978,00	24.392.788,00	25.142.107,00	23.618.978,00	24.392.788,00	25.142.107,00
RASHODI PO SLUŽBAMA (POTROŠAČKIM JEDINICAMA)	BUDŽET GRADA SARAJEVA ZA 2026. GODINU	IZVOR 10	ZAHTJEVI ZA DOB			ODOBRENI DOB		
			2027.g	2028.g	2029.g	2027.g	2028.g	2029.g
GRADSKA SLUŽBA ZA OPĆU UPRAVU I ZAJEDNIČKE POSLOVE	844.000,00	844.000,00	830.000,00	765.000,00	762.000,00	830.000,00	765.000,00	762.000,00
GRADSKA SLUŽBA ZA LOKALNU SAMOUPRAVU I RAZVOJ GRADA	825.000,00	825.000,00	915.000,00	985.000,00	1.045.000,00	835.000,00	855.000,00	875.000,00
GRADSKA SLUŽBA FINANSIJA	7.005.000,00	7.005.000,00	7.082.000,00	7.276.000,00	7.408.000,00	7.082.000,00	7.276.000,00	7.408.000,00
GRADSKA SLUŽBA ZA LOKALNO POSLOVANJE	1.724.600,00	1.674.600,00	1.672.000,00	1.857.000,00	1.982.000,00	1.497.000,00	1.617.000,00	1.767.000,00
GRADSKA SLUŽBA ZA POSLOVE INFORMACIONOG CENTRA	28.000,00	18.000,00	23.670,00	19.000,00	26.000,00	28.000,00	19.000,00	26.000,00
GRADSKA SLUŽBA ZA URBANO PLANIRANJE, INVESTICIJSKE, STAMBENE I KOMUNALNE POSLOVE	7.468.000,00	5.727.000,00	4.384.000,00	4.160.000,00	3.160.000,00	4.670.478,00	5.066.288,00	5.284.107,00
GRADSKA SLUŽBA ZA OBRAZOVANJE, SPORT, KULTURU I MLADE	4.893.900,00	4.893.900,00	5.260.000,00	5.430.000,00	5.620.000,00	5.220.000,00	5.360.000,00	5.510.000,00
STRUČNA SLUŽBA GRADONAČELNIKA	1.164.000,00	1.164.000,00	1.115.685,00	1.273.000,00	1.342.500,00	1.300.500,00	1.273.000,00	1.342.500,00
STRUČNA SLUŽBA ZA POSLOVE KABINETA I POSLOVE GRADSKE UPRAVE	485.000,00	485.000,00	490.000,00	495.500,00	501.500,00	490.000,00	495.500,00	501.500,00
STRUČNA SLUŽBA GRADSKOG VIJEĆA	1.151.000,00	1.151.000,00	1.266.100,00	1.392.710,00	1.531.981,00	1.211.000,00	1.211.000,00	1.211.000,00
PRAVOBRANILAŠTVO GS	120.000,00	120.000,00	120.000,00	120.000,00	120.000,00	120.000,00	120.000,00	120.000,00
GRADSKA SLUŽBA ZA ODRŽIVI RAZVOJ	446.200,00	260.000,00	830.000,00	830.000,00	830.000,00	335.000,00	335.000,00	335.000,00
UKUPNO	26.154.700,00	24.167.500,00	23.988.455,00	24.603.210,00	24.328.981,00	23.618.978,00	24.392.788,00	25.142.107,00
Razlika Prihodi - Rashodi	0,00	0,00	-369.477,00	-210.422,00	813.126,00	0,00	0,00	0,00



U ovom tabelarnom prikazu predstavljene su gornje granice rashoda gradskih službi (potrošačkih jedinica) za naredni trogodišnji period, zajedno sa iskazanim finansijskim zahtjevima istih. Na nivou pojedinačnih gradskih službi, ovim DOB-om su utvrđene početne gornje granice rashoda za period 2027–2029. godine. Osnovna svrha definisanih početnih gornjih granica rashoda jeste uspostavljanje realnog i održivog finansijskog okvira u sklopu kojeg gradske službe planiraju i razvijaju svoje detaljne budžetske zahtjeve za naredne budžetske godine.

Nakon usvajanja DOB-a, u skladu sa budžetskim kalendarom, Služba finansija Grada Sarajeva će dostaviti budžetske instrukcije br. 2 gradskim službama. Ove instrukcije će sadržavati utvrđene limite rashoda po službama za period 2027–2029. godine, kao i smjernice za izradu njihovih detaljnih budžetskih zahtjeva za 2027. godinu. Prilikom izrade godišnjih finansijskih planova, gradske službe su obavezne da svoje zahtjeve usklade sa utvrđenim gornjim granicama rashoda definisanim kroz DOB, čime se osigurava fiskalna disciplina i dosljednost u planiranju javne potrošnje.

Na ovaj način DOB predstavlja osnovu za izradu preliminarog budžetskog okvira za naredni srednjoročni period. Za period 2027–2029. godine, projicirane gornje granice rashoda koji se finansiraju iz sredstava Budžeta Grada Sarajeva usklađene su sa projekcijama prihoda i iznose 23.598.978 KM za 2027. godinu, 24.297.788 KM za 2028. godinu, te 25.137.107 KM za 2029. godinu.

U skladu sa članom 18. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), nakon usvajanja od strane Gradonačelnika, ovaj dokument će biti objavljen na službenoj web stranici Grada Sarajeva i dostavljen Gradskom vijeću u formi informacije.

Broj: 06-11-1603-1/26

Sarajevo, 30.06.2026.godine

GRADONAČELNIK
Samir Avdić, s.r.